

Antzerki gaztea ikuskari Lohizunen

Galarroxxak, Xirula Mirula eta Kakotxen emanaldiak irudi berritzaile

Urdazuri eta Rex geletan, antzerki gaztearen harroaldiak antzerkigintzaren mundua astintzen ari dira egun hauetan, igandera arte. Galarrotsak eta Faut qu'ça Scène jaialdien gurutzatzea eta bereziki Kakotx, Euskal Antzerki Taldeen Batasuneko tailer berria, aro berri baten markatzaile ageri dira, krisi eta zalantzen artetik.



Garaziko ikastolakoek Afrika agertu zuten ikuskarian.

L. E.

Salbatore egun honetan Donibane-Lohizunen bi ikuskari nagusiek, Beskoitzeko Oinak Arin taldeak moldatu 'Xirula Mirula' eta EATBk, Euskal Kultur Erakundearen laguntzarekin bideratu 'Kakotx' euskal antzerki tailerrak beren marka jarri behar lukete. Igandera arte Antzerki Gaztearen Jaialdiak, 'Faut qu'ça Scène' izenekoak, toki askotako ikasleen obrak biltzen ditu, mugaz bi aldeetakoak. Honi lotzen zaizkio formakuntza eta gogoeta aldiak, bereziki igande goizeko topaketak, Alsaziako antzerkia-ekin.

Astearte goiz eta arratsaldez Rex gelan 'Galarroxxak' iragan ziren. Lehendabiziko aldiz Galarrotsak Jaialdiari juntatuak ziren, nahiz bogtgarren aldiok gertatzen ziren. Kattalin Salaberri eta Janina Urruti ikastolako andereño eta antzerki animatzaileek eratu ekintza zen, urteko lan baten emaitzak agertuz. Lehen Mailako ikasleak dira agertzen.

Goizean Lohizunekoek 'Sagutxo kaxkarina' eman zuten, ge-

ro Uztaritzeok 'Ezinezko amodioa', Hazparnekoek 'Zenbat sagar, nork, noiz, nola?' eta Arrangoitzekoek 'Inkesta harri-garria'. Arratsaldean, Donibane-Garaziko ikastolakoek 'Danba danba danbor majikoa' taularatu zuten. Gero, Senperekoek 'Negu gorriak' taldearen historia laburbildua eta musikatua eta azkenik, Baigorriko Bil Etxe ikastetxeok 'Ardi moxtea' zuten eman. Haur publiko bizi baina dena begi eta entzule finak jarraitu zuen.

Galarrotsak gaur bururatuko da bi emanaldirekin: 'Xirula Mirula' 16.30etan eta Kakotxen 'Erran Moldeak' ikuskariarekin 19.00etan. Lehendabizikoa iaz eman zen, eta haurren joko, kontakizun eta dantzen inguruko lan ederra da, Claude Iruretagoienak

zuzendua, Beskoitzeko Oinak Arin dantza taldearen egiturarekin. Bigarrena igandean Hendai-
an agertu zen, publiko euskaldun gutxi zelarik. Erran daiteke gaur berriro 'lehen emaitza' bat daukatela, herenegun arratseko prestakizun berrituekin.

HIZKUNTZA EZBERDINEN TOPAKETA Faut qu'ça Scène, 'Antzerki Gaztearen Jaialdiak' zortzi urte ditu aurtun. Hasieratik helburu dauka, lizeotako ikasleen obrak agertuz «kultura eta hizkuntza ezberdinak gazteen topaketak antzerki arloan antolatzea». Akitaniako taldeak, Hego Euskal Herrikoak eta Kostaldekoak, bereziki Lohizune eta Baionakoak biltzen ditu: frantsesa, euskara eta gaztelera erabiltzen dira. Aurtun Irun eta

Errenteriako taldeak daude. Urrutiko talde bat, Ukrainiako Kiev hiri nagusitik dator, 'elkar-tze' gogoaz azpimarratuz.

Hamalau antzerki taldeek 14 ikuskari 5 egunez emaiten dituzte. Hogeita hamar eskola ezberdinetako ordezkari dira. Orotara 400 aktore agertuko dira eta horiekin batera 50 antzerki animatzaile. Horregatik antolakuntza material handiak konpondu behar dira 500.000 liberako dirugintzarekin (12 milioi pta). Nahiz arazoak izan Ravel lizeoaren inguruan, Lohizuneko udal-
etxearen babesarekin dena konpontzen da. Ikasleen formakuntzak, antzerki teknika ezberdinetara, animatzaileen topaketak, elkar gurutzatze aberasgarriak Jaialdi honen irudi polita eta esperantzagarriak dira.

Germaine Bleziot: «Gazteek badakite gauzen antolatzen»

L. E. / D. LOHIZUNE

EGUNKARIA.— Ravel Lizeoko irakasle zara eta berriro Jaialdi honen antolatzaileetarik zara. Ohizkoa da aurtengoa?

GERMAINE BLEZIOT.— Ez osoki. Horregatik dut parte hartzen! Aurtun Ravelen antolatutako dugu euskarazko antzerki bat, 'Portu Xoko' Piarres Larzabalena eta bestalde Galarrotsak Jaialdiarekin lotu gara, interesgarria zaigu.

EGUNKARIA.— Ongi konpontzen zarete hiru mintzairaren artean?

BLEZIOT.— Guziz ongi. Hasieratik horrela da. Irun, Errenteria, Zarautzik ere etorri ziren gazteak. Orduan beti hiru hizkuntze-kin egon gara. Lohizune herriak ongi laguntzen gaitu.

EGUNKARIA.— Ravel lizeoan antolakuntza lan bereziak egiten dituzue.

BLEZIOT.— Antzerkia ikasketa

sail batean integratzen dugu. Bestalde urtean zehar itzulpen lanak egiten ditugu. Talde bakoitzaren ikuskarien laburpenak egiten ditugu, espainolerara eta euskarara itzuliz.

EGUNKARIA.— Portu Xoko aurtengo sorpresa polita hartzen da...
BLEZIOT.— Guretzat gauza 'normala' da... Nahi genuen antzerki bat eman irri eragingarria. Komedia da. Erakustera ematen du Donibane Ziburuko arrantzaleen bizitza duela 40 urte. EKEk Olatz Beobide, In Franganti taldekoa, bidali digu, gurekin lan egiteko. Oso lan ona egin du eta atsegin handiz aritu dira.

EGUNKARIA.— Lehen aldi honek bigarren aldi bat dakarke?

BLEZIOT.— Lan handia dela aitortu behar da baina gazteek oso gustukoa dute. Hastapenean ez zuten uste egiakzi Jaialdian emango genuenik. Orain ongi ari dira lanean. Ez dugu batere eus-



Germaine Bleziot.

L. E.

kararen erabiltzeko arazorik izan. Ikasleak klase elebidunetarik etorriak dira, besteak ikastolatarik. Euskara lehen hizkuntza dute.

EGUNKARIA.— Nola laburbil zenezake Antzerki Gaztearen Jaialdi hori?

BLEZIOT.— Gazteei ematen diegu parada bere antolatzeo zerbait eta erakusteko bere badakitelan gauzen antolatzen eta asmatzen.

1993ko Arte Gasteiz lehiaketa ireki dute

GASTEIZ

Aurtengo Vitoria-Arte-Gasteiz lehiaketa aurkeztu zuten atzo. Obrak lortzea helburu duen arte plastikoaren inguruko ekitaldi honek 5 milioi pezeta eskaintzen du aurtun.

Epai-mahaikideen erabakia irailaren 23an izango da eta lehiaketara aurkeztutako obren artean egingo duten aukeraketaz erakusketak izango da azaroaren 2tik 15era Gasteizko Ur Deposito zaharrean.

Guzti honetaz gainera, 'Arterako espazioak' izenburuko mintegia burutuko da Gasteizen. Topaketa honek adituak bilduko ditu Gasteizen, eta iazko jardunaldien gunea Agustin Ibarrola izan bazen, aurtun Josetxu Agirre izango da protagonista.

Cosme Kortazar aktorea omenduko dute Ermuan

ERMUA

Joan den apirilaren 18an hil zen Cosme Kortazar aktorearen omenezko ekitaldiak antolatu dituzte bere jaioterrian, Ermuan. Caracasen bizi izan zen urte luzetan Kortazar, baina Euskal Herriko adiskideek ez dutela ahaztua agertu nahi dute gaur hasi eta datorren astelehenera arte iraungo duen omenaldia-ekin.

1991ko Oscarretarako aurreaukaraketa gairatutako 'Jericó' filme vene-
zolarren emanaldiarekin hasiko dira, gaur iluntzean, omenaldiko ekitaldiak. Filme honen bidez, New Yorkeko Kronista Latinoamerikarren Elkarrekin urteko aktorerik onenari emandako saria eskuratu zuen Kortazarrek.

ETXEKO JANAK



JANARI PRESTATUAK

× Ikastolak, ikastetxeak, enpresak × Lunchak
× Oturuntzak (klasikoak, sukaldaritza berria, herri-bazkariak)

PREZIO EGOKIAK
Konpromezurik Gabeko Aurrekontuak

UGALDETXXO POLIGONOA 27 OIARTZUN TEL. 49 39 69

Sukaldari tituludunek prestatutako janariak